

نومبر ۱۰ غورځون
 سنه لکي پوسته ايله ۵ ليرا
 (اجنبي مملکتلر ايجين ۵ دولار)

اپوه و اعلان ايشلري ايجين استانبول بوروسه
 مراجعت ايديليز
 يازي ايشلرينك مرجعي انقره مرکيزدر

حيات

حيات دأما حیات... دنیای دها هر حیات قاتلم...
 - نجه -

اداره مرکزی :
 انقره ده ، استانبول جاده سنده انقره
 معارف امینکلی یانده کی داتره

استانبول بوروسی :
 استانبولده ، باب عالی جاده سنده ۸۷ نومبرده
 داره مخصوصه

۲ نجی جلد

انقره ، ۲۳ حزيران ، ۱۹۲۷

صافی : ۳۰

کائناتک اساسنی تبدله سوق ایدهن غریزه ده ،
 حیات ده ، اراده ده کوردی . یازیق که باشقه بر
 عامل بو جوق درین متفکری دهانی تعریفده
 یا کیلتمش ، دهانی ذکاتک انکشافی ظن ایتدیرمشر .
 نیجه کندینک مریبسی عد ایلهدیکی شوپنهاور
 فلسفه سنده کی اراده نی پک ای تنویر ایتدی .
 او ، دهانک اراده ده متمرکز اولدیغنی پک ای
 کوردی : « فوق البشر » ، قیمت حکملرینی
 دیکشدره بیلجک اراده قهرمانیدر .

یالکز بوقادار دکل ... اک جوق ذهنلری
 اشغال ایدهن مسئله لر دن بری « حقیقت » دیدیکمز
 فکر و حکملرک ماهیتیدر . ناصیل اولویورده
 بعض فکر و حکملری (حقیقت) عدایدیوروز ؟
 اسکی یونانیلرک (سوفیست) دهنیلن متفکر .
 لرندن اعتباراً بوتون فیلسوفلری ، حتی بالخاصه
 صوک زمانده یوکسک عالملری اشغال ایدهن اک
 مهم مسئله لر دن بری بودره . صوک عصره کلنجیه
 قاداربوسواله فیلسوفلر آرارلنده کی ایضاح فرقلرینی
 قالدیریرسه ق ، ایکی تورلو جواب ویریورلردی .
 بری خارجی طالمک ، شائیتک ذهن اوزرینه تاثیر
 ایدهرک « حقیقت » ک شکل ایتدیکی ، دیکری
 ذهنک فطری قانونلری اغانه سیله خارجی تاثیرلری
 ترکیب ایدهرک حقیقتی تولید ایلدیکیدر . فقط
 صوک الی التمش سنه ایچنده « حقیقت » ک ماهیتنی ،
 معیارینی بستیون باشقه تورلو ایضاح ایدهن یکی
 بر مسلک وجوده کلدی . بومسلکک مدافعی
 اولان فیلسوفلره کوره بر فکر ویا حکمی
 « حقیقت » یاپان نه تماماً متشکل خارجی
 طالمک تاثیری ، نه ده دماغه ، ذهنه خاص بعض
 قانونلره اشیانک انطباعلرینک ترکیبیدر .
 فکر و حکمی حقیقت حاله صوقان اونک تولید
 ایلدیکی عمللر ، نتیجه لر ، اطمشانلردر . پراغماتیت

کثیرن ، تقدیر اوپاندیران مزیت ، ذکا دکلدر .
 اوتهدنبری انسانلر مختلف طرزده تجلی ایلین
 اراده قهرمانلرینی تجیل ایتشلر ، یوکسک بر
 ارادی حرکت قارشیسنده هیجان دویمشلردر . اسکی
 یونانستانک رواقی فیلسوفلری بو حقیقتی غایت ای
 کورمشلردی : مفکوره وی انسان اولارق قبول
 ایتدکلری « حکیم » بر اراده قهرمانیدر . بویوک
 دین اولیالرنده یوکسک کورولن حال اوتلرک
 بو مفکوره اوغرنده عزتلری ، بوخصوصده کی
 معنوی قهرمانلقلیدر . ساده جه آنی بر الهام
 ایله بر حقیقتی بولیورن بر آدام فرض ایدیکمز .
 البته بو آدام ، سنه لرجه معین اصول ایله بر حقیقتی
 تحری ایلین بر طالمک وجدانلرده تولید ایلهدیکی
 حرمتی اوپاندیراماز . عالمده کوزل و یوکسک
 اولان جهت متمادی تحری عشق و اراده سیدر .
 بر عصرک ، بر مدینتک معنوی دسته کی
 اولان فکر و اعتقادلری اک زیاده فلسفی
 اثرلرده کورمک قابلدر . چونکه فیلسوفلر
 یاشادقلری مملکتک و زمانک اعتقادینی ،
 بارز وصفی ، اک ایی سجه بیلن و بونلر اوزرنده
 دوشونه بیلن ذکالدر . صوک عصرک بویوک
 فیلسوفلرینک اثرلرینه باقیکز ، ضمنی ویا آجیق
 بر طرزده معاصر بشریتک بوخصوصده کی قنا .
 عتترینک ایزینی بولور ، اراده نک بشر ایچون اک
 اصلی عنصر اولدینی ، حتی ذکاتک ، فعالیتک
 و اراده نک مولودی بولوندینی فکری کورور .
 سیکز . « قانت » ک اک بویوک مزیتلرندن بری
 ونجه اک مهمی اراده نک عقل نظری یه فائقتنی
 ادما ایله مسیدر . فیلسوفه کوره عقل عملی
 و اراده ، دوغروندن دوغروندن عقیده لر ، مفکوره لر
 وضع ایدهر . شوپنهاور « قانت » ک اثرنده کی
 بواک مهم نقطه یی غایت ایی قاورادی . واونی بوتون



طیاره می لیندبرغک

موفقیتی منا-بتیر

بعضی ملاحظه لر

صوک زمانلرده همان هیچ بر کیسه یه
 لیندبرغ قادار شرف و شهرت قازانمق نصیب
 اولمامشدر . پارسه ایندیکی زمان بیکلرجه خلق
 وجد ایچنده اونی آلقیشلادی ، قاج شاعری
 بو کنج طیاره جینک جسارتی تهییج ایتدی ،
 اوکا « قصیده لر » یازدیله . لوندریه ایندیکی
 زمان خلق طیاره نک آلتنده قالمق تهله کسنه
 رغماً اوزرینه آتیلیمق ایسته دی ، وطنه بویوک
 بر قرووازورله دوندی ، امریکا ساحلنده درت
 یوز طیاره اونی استقبال ایلدی . بیکلرجه انسان
 اونی کورمک ایچون کچه جکی بوللره دوکولدیله .
 بو حادثه یی ایکی نقطه نظر دن دوشوندیرمیلدر :
 (۱) طیاره می لیندبرغک بوقادار هیجان دوغوران
 موفقیتک اساسی نه در ، طیاره جیده وجددرجه سنده
 تقدیر اوپاندیران مزیت هانکیسیدر ؟ (۲)
 لیندبرغده کی اراده قدرتی یالکزاونک فردیتنده می
 آرامالیدر ، عیجا لیندبرغی تهله کله دولو بر
 یوله سوق ایدهن اجتماعی عامل نه در ؟

لیندبرغ ذکاسیله یکی برکشفده بولونمادی ،
 اوندی آلقیشلانان مزیت اراده سی ، اراده ده کی
 قدرتیدر . ذاتا بشریتی اک جوق وجده ، هیجانه

« Die Vererbung geistiger Eigenschaften unb die psychische konstitution .

مؤلفی : W. Peters

وراثت بحقی ؛ بزم عضویتله علاقه دارد . بز ، بیلورز ، بیلورزی بومهم مسأله ایله مشغول اولوبور . فاقاط چوچوغلک شکی تعیین ایدن (داهادوغوسی) ، اوکا شکل ویرن معنوی بر محیط وارد . عائله ، جمعیت ، حقوق تلقیسی ، اقتصادی وضعیت ، کولتور الخ . . فردک معنوی حیاته - کندیته کوره - بر محتوا وبریور .

..

Der Buddhismus

مؤلفی : Paul Dahlke

شوپن هاوهر ؛ بزم بوتون وارلقده حکم سورن قانی و ظالم « اراده » دن ، اونک مختلف تظاهرلرندن بحث ایدرکن بر قورتولوش بولی کوسته ریور : « نیروانا = سونوش » . بو « نیروانا » عیبا بودیستلکده کی نیروانا میدر ؟ شوپن هاوهر ، بودا (اویانیک) ی تمامیه قاورادینغه قانعدر . بول دالقه ؛ بزم بودیستلک عمومی جرجیوه سنی جیزیور . بودیستلک ؛ « شائیلک » ی « قوتلی بر صورتده یاشامایه » استناد ایدر . او ، شوپن هاوهر ک بدین تلقیسه بکزمه ز . بودایه کوره (دالقه) « علمک واصل اولدوغی نوقطا علمسزلکدر . علم ؛ نیروانا ایله ایلك باشلانغیجه دونه . بودیستلک ؛ دوغرودن دوغرویه بدینلک ده کیلدر . اوداها زیاده شائی عالمک عمومی انکشافی افاده ایدر . بوتون اضطرابلردن قورتولقی امید ی وارد . بوده « نیروانا » در . خرسیتانلق ، مختلف دینی تشکلرده دنیایی بر « اضطراب مرحله سی » تلقی ایدر . نیروانا به قادار دوام ایدن بول ، فرد « کندیسنی مصفا بر حاله کتیرمک امکائی » نی ویریر . مجازات و مکافات وعد ایدن بر آخرت برینه مجازات و مکافات ؛ حیات شکلنده مندمجر . حیات شکلی ؛ بالذات « اولجه یاییلمش » بر « عمل » ک افاده سیدر . داهای آجیق تعبیرله حیات ؛ جنتی ، جهنمی برابرنده طاشیر . دالقه نک اثرنده ، بزم بودیستلک حقنده چوق یگی و اساسی کوروشلر ویرن قیمتی و دهرین تحلیللر وارد .

..

Yohan Heinrich Pestalozzi der Me-
hersch, der Philosoph unb der Erzie-

مؤلفی : فریدریش ده لرفات Fridrich Delekat

بواثر ، بهستالوززینک حیات و فعالیتله دائر نشر ایدیلن یازیلر آراسنده چوق اهمیتلی بر موقع طوتار . مؤلف ؛ بهستالوززینک حیاته قیسه برته تود حصر ایشدر . کتابده اک زیاده اهمیت ویرلن

شی ؛ یویوک مرینک حقیقی فکرلرینی ، تربیه اصولی تحلیلدر . بهستالوززینک قاراقتهر اعتباریه کوسته ردیکی تناقضلری بیله نلر ؛ بویله برتحلیلک نه قادار کوچ اولدوغی قولایجه آکلرلر . بهستالوززی ؛ ده لرفاته کوره بر کولتور فیلوزوفیدر . بوتون به داغوزیسی ؛ دیندار برقناعته استناد ایدر . بهستالوززینک تفکر دنیاسنده وجدی و میستیک عنصرلر آز ده کیلدر . بو اعتبار ایله داغتیق خطلردن تشکل ایدن فکر دنیاسی ، قوتلی بر شخصیت اطرافنده حقیقی برلکنی قازانمش اولور .

..

Ludwig Gumplowicz کلیانی

ناشری ؛ برودفسور Gottfried Salomon

برنجی جلد : دولت نظریه لری تاریخى Geschichte
der Staatstheorien

غوم بلوویچک موده رن اجتماعیاتک انکشافده چوق اهمیتلی بررولی وارد . ویانه لی متفکر ویله لم بهروزالم W. Yerosalem ک اثرلرینی مطالعه ایتدیکنز وقت ، غوم بلوویچک نه قادار عامل اولدینغی کورورز . بوکونکی اجتماعیات تلقیلرینی مناقشه ایدرکن غوم بلوویچله تماس کله مک امکائی یوقدر . پروفه - سور صالومون ؛ بواهمیتی اثره چوق کوزل برمدخل یازمشدر . غوم بلوویچ حقنده معلومات صاحبی اولمایانلر بومدخل سایه سنده اثری مشکلاتسز تعقیب ایدر بیلرلر غوم بلوویچ کوره اجتماعیاتک موضوعی ملت ده کیل ، بوتون انسانیت در . جمیلرک منشائی تدقیق ایتک اجتماعیاته عائد بروطفه ده کیلدر .

..

Die religioese Lage der Gegendwart


محرری برودفسور Paul Tillich

کوچوک بر کتاب . فاقاط عمومیتله دینی وضعیت حقنده مجمل بر فکر ویره جک قادار آنتره سان . تی لیخ عمومی وضعیتی خلاصه ایتدکن صوکر ا کندی فکر- لرینی سویلیور . شیمدیکی جمعیت مختلف جریانلری ایله ، مه نافیریق ، تاریخ فلسفه سی ، طریقت تشکللری الخ . . . ساحه لرنده حقیقی بربحران کچیریور . بووضعیت قارشیسنده دینک موقعی نه اولابیلر ؟

دین ؛ شائیلکلرک قدرتی اوکندن قاجیور ، شائیلکلره تماس ایتک ایسته میور . تی لیخ بوپروبله مک پروتستانلق مه تودیله ، ایلك پروتستانلقده حاکم ذهنیتله حل ایدیله بیله جکی قناعتده در . کتابنده « شائی بر مؤمن » فکری حاکمدر .

دره سدن : ۲۸ مایس ۱۹۲۷

م . نرمی



فرانسز مجموعه لری

لاره درو تئوریه رسل . - حیران نسخه .

سنده موسیو ژدروم و ژان تارودک « یهودیلرک کوچوک تاریخی » مقاله سی مابعدیلدر . محررلر ، بوراده مسأله مک ماضیسنه چوق کیتیه جکلرینی ساده جه شرقی آوروپاده و بالخاصه فلسطینده موسوی ملنک مروض قالدینی شرائطی وخط حرکتلری آراشدیرد . جکلرینی سویله یورلر . (موسیو پوآنقاره مک مالی تجربه سی) نده امضاسنی آتمایان مقاله صاحبی بر سندن بری فرانسه مک مالی وضعیتی اصلاحه تشب ایدن پوآنقاره مک تجربه سنک حالا دوام ایتدیکنی ، بوکارغما بارا مسأله سنک مطلوب شکلده حل اولنمادیغی آکلایق ایسته یور . مالی متخصصلر بووضعیت قارشى ایکی یوزمیلیون دولاره بالغ اولاجق برقره دینک مالی جهتی تقویه ایدر جکنی ایلری سورمشلردی . مقاله بوخصوصده کی فکرلری چارپیشدیر مقده در . مجموعه مک بزم ایچوک الک علاقه دار صحیفه لرنده (سپورخیرکارمیدر ؟) سؤالنه جواب ویرن مقاله تشکیل ایدیور . موسیو لوسیه ن دوبش سپورک بر تاریخچه سنی جیزیور : ظن ایدیلردی که سپورک دوغدینی بر انکلترده در . بو ، برخطادر . او ، هریرده ودها زیاده تاریخی شرائطک مساعد اولدینغی ساحه لرده دوغمشدر . پروسیه ۱۸۱۱ ده یه نامقابله بالملثنی حاضرلارکن لودویغ ژان اسمنده کی آلمان برلین جوارنده بریرده شارنورست ، فیخته ، روکر . . . ک اثرینی تمام ایدر جک بر (turnplatz) آجیدی و عصری سپوری یاراتدی . انکلترده ناپولیونه قارشى یاییلان حربک فرداسنده ، انکلیز کنجلیکی مدهش بر ایتدائیلکک آلنده اسیر بولونیوردی . بوکا قارشى عکس العمل اولقی اوزره راهب کینفسله ی بر تشکیلات وجوده کتیردی ، کندیسنی برچوق متشبثلر تعقیب ایتدی . نهایت ۱۸۲۸-۱۸۴۲ تاریخلری آراسنده برقولله ژ مدیری اولان طوماس آرنولد ، سپورتیف ذهنیتی انکلترده ده قطعی صورتده تأسیس ایلدی و بوندن صوکر ا سپور ، قاراقته رستیک صفتلرینی ، دها زیاده بوراده اکتساب ایتدی . بو صورتله آلمانلر ، انکلیزلر ، آمریقانلر و فرانسزلرک آلنده مختلف سجه لر آلدی . محرر مقاله سنک صوکنده آرتق سپورک جمعیتده معین برزمریه خاص اولسی موضوع بحث اولامیه جفتی ، نوع بشرک حدودسز بر ملکه ایله سپور احتراصلرینه طوتلیدیغی قید ایدیور و برآن اول حربدن صوکر ا کی بویوک بحراندن چیقمه چالیشمازسه سپورک ایر کچ پولتیقه جیلر آلنده دها زیاده آلت اولاجفتی و کندیسندن بکلدیکنز خیرکار رولی اویسابه مایاجفتی سویله یور .

لاره درو لهریه ماده ر . - صوک نسخه سنده

أمیل بلانشک هالو حقنده خاطره لرینی وکنجلیکنک عالمینی آکلان یازیسندن صوکر ا آنتوانک (اوده تونه عائد خاطره لر و آنتوان تیاریوسی) ، « ژان مارکس » ک

مملکت مطبوعاتی

فلسفه اجتماعیات مجموعہ سی۔ — استانبولہ

کنج لیسہ معلمین مدرسہ مرکب بر غروب طرفتدن نشر ایدیلن مجموعہ، مملکتک صوصادینی بر احتیاجہ جوابدر۔ مجموعہ، کوزل بر مقدمہ ایله مقصدینی ایضاح ایدیور: کندسی ایچون اساسلی بر هدف اولق اوزرہ، فلسفی واجتماعی مسألہ لرہ مراق ایدنلرک بوموضوعلر حقندہ کی بیلکیرلری توسیع وتقویہ ایتلرینہ، تدقیقلرینک سالم بر اصولہ انکشاف ایچون اونلرہ رهبرلک ایتکہ چالیشجقدر۔ مجموعہ، باشلیجہ درت نوع یازی بی احتوا ایدیور۔ اولاً نظری قسم کہ بورادہ ثروت بک (ایش) ی اجتماعی جبهہ دن تدقیق ایتکده در۔ ثانیاً تدریسی قسمہ کلور۔ ادبیات تدریساتندہ ممتک لزومنی ایضاح ایدن آگاه بک، فضولینک بر قصیدہ سنی شرح، خامنی سنج بک، افلاطونک اجتماعی فکرلری

(انکلتزہ وآسیا) مقالہ لری وار۔ موسیو مارقس دیورک: «اون سکرنجی عصرک صوکنہ دوغرو ثروت، آسیا نفوذی نقطہ نظرندن فرانہ وانکلتزہ آراستندہ رقصان بروضعیتدہ ایدی۔ بارون دوسوفرن دکزلری طوتجہ انکلتز ظفری باش کوستردی۔ اوزماتدن بریدرکہ بو ظفر آرئیور۔ فقط مقدرات عکسہ دونیہ جکدر؟ بو سؤلہ جواب ویرمک ایچون اولاً انکلتزہ نک اقتصادی امپریالیزمنی، صوکرآ آسیانک مختلف زمرہ لرینی قبصہ جہ آراشدیریور، روسیہ اوزرنده اصرار وسوویت حربیہ قومیسری ووروشیلوفک قومونیت فرقه سنک اون بشنجی قونفرانسنده سوبلدیکی سوزلرہ تماس ایدیور۔ قومیسر: «بر حربک فردا سنده یز۔ بو حرب براوونجاق اولقندن اوزا قدر۔ بو حرب، ملیونلر جہ محاربک محاربہ خطنہ کبردیکنی کوسترہ جکدر۔ قزیل دونامآ و اردوسی آلتندہ پرولہ تاریماز اولنرک آلی سیقہ جق و امپریالیستلرہ اولہ بر درس ویرہ جکدرکہ آرتق اولنر بزم سوویت اتحاد مزہ هجوم ایدہ میہ جکدر۔» محرر مقالہ سنک صوکنده انکلتزہ نک صوک زمانلرہ روسیہ یہ قارش کوستردیکی حرکتک تمایلکار اولدیننی و بونک دوغزو برشی اولدیننی سوبلدکدن صوکرآ علاوه ایدیور: انکلتزہ سوویتلرہ مناسبی کسرکن قومونیزمک دنیاہ تمیل ایدلسنہ مساعدہ ایتک خطاسنی نہایت آکلامش اولبور۔ آوروپا شیمدی ملتک مرپسی اولق رولنی مشعور سورندہ اوزرینہ آلمش دیمکدر۔ عکس تقدیردہ هیچ بر غرب مدافعہ سی آسیا طاغہ لرینک مشعوم استیلا سنک اوکنہ کچہ میہ جکدر «ژان مارقس، بو صورتلہ انکلتزہ نک آسیادہ کی نفوذینک صارصینتیدن محافظہ ایدیلہ جکنی اکتامق آرزوسندہ در۔ فقط عجا بو طرز دوشونوش، آرتق جوق فضله شیشن و پوشیشکینلکی ایله غیر طبیعی بر شکل آلان انکلتز امپریالیزمنی، وقوعنی سزدیکمز بر صارصینتیدن محافظہ ایدہ بیلہ جکمیدر...؟

ایضاح ایدیور۔ بو آرادہ دورقہایمک (اتحاد) یہ عائد برده تلخیص وار۔ صوکرآ تطبیق قسمی کورییورز۔ غمیرجلال بک ویرکوسیاستنک خطوطنی، حللی ضیا بک لیسہ لردہ کی اجتماعیات بروغرامنی آراشدیریورلر۔ نہایت تنقیدی صحیفہ لردہ م. ت امضای یازی، اخیراً چیقان بر (اجتماعیات) کتابی انتقاد ایتکده در۔

عمومیت اعتباریلہ فلسفہ واجتماعیات مجموعہ سی؛ سیستہ ماتیک بر مساعی آلتندہ حرارتلی بر علم فعالیتنہ کیریشمش منظرہ سنی ویریور۔ کونک آلک مملکتک مزده آج دینی اجتماعیات چیغیرندہ دہا علمی وشعوری شکلده چالیشجق بر فکر کنجککنہ نہ قادر محتاجز۔ اگر مجموعہ، بوغایہ نسبی بر تقرب تأمین ایدرسہ وظیفہ سندہ موفق اولمش دیمکدر۔ مقصدینی ایضاح ایدن، مختلف اجتماعیات شعبہ لری حقندہ تدقیقلرلہ بو مقصدینی بالفعل کوسترن فلسفہ واجتماعیات مجموعہ سی؛ دہا ایلک نسخہ سندہ بوموقبتہ دوغرویہ آدم آتمشدر۔ (حیات) ایچون بو آدم جدأ تبریک وتقديرہ شایاند۔

نورک یوری۔ — صوک نسخہ سندہ (بکناشیلر)،

(فیہ سقونک قیامی) سلسلہ لری دوام ایدیور۔ نجیب عاصم بک، مملکتندن کلن همشیریلرلہ بر مصاحبہ یاقعدہ در۔ مصاحبہ دہ، غربی آنادولو تاریخنہ، تورکک انتباهنہ حصر ایدن قیمتلی بر انسانک عزیز خاطرہ لری وار۔ کلپسلی رفعت بک، «عاشق باشا زاده تاریخی» نہ عائد کتابیاتندہ، موجود نسخہ لری قاریشدیرہ رق اثرک بیکدن بر طبعہ نائل اونسنی تمنی ایدیور۔ روسجہ دن ترجمہ ایدیلن (سقوط) حکایہ سی جوق کوزل۔ بو حکایہ ایله روس ادبیاتنک شاه اثرلرینہ اولان احتیاجزی بر کرہ دہا حس ایدیورز۔

بزم غزنہ۔ — احمد توفیق بک (شکر فایزہ لری)،

عبدالرحیم شریف بک (ارض زرم تاریخی) آدلی مقالہ لرینہ دوام ایتکده درلر۔ سلجوق اثرلرندن «جفتہ منارہ» حقندہ اطرافلی بر تہ تودی ذکرہ دہ کر، دیگر یازیلری ایلہ دہ بر ولایت مجموعہ سنک نہ کی موضوعلر اوزرنده اوغراشمسی لازم کلدیکنی بالفعل کوسترن «بزم غزنہ»، بوتون آنادولو مجموعہ لرینہ نمونہ اولاجق قادر علمی اساسلر داخندہ چالیشمقدہ در۔

اقبال۔ — صوک نسخہ لردہ کوردیکمز ایکی

یازی سلسلہ سی، (اقبال) اوزرنده بزی توقفہ مجبور براقیور۔ امضاسزیدی مقالہ طریزونک اقتصادی مسألہ لرینی درین بر تحلیله تابع طوتمقدہ در۔ بانقہ، فندق، ترانیت، پیاسہ... کی موضوعلر اوزرنده یورین محرر، شهرک اقتصادی انکشافی ایچون دوشونجہ لرینی سرد ایدیور۔ بونلرک آراستندہ شمال آنادولوسنک مهم بر استحصال منبئی اولان فندق تجارتندہ کی بحرانیلری کوسترن سطرلر مهمدر۔ مقالہ صاحبہ کورہ بو بحرآنک سبیلری شونلردر: (۱)

تجارتک استخبارات واسطہ لرندن محرومیتی؛ (۲) بین الملل تجاری اصولرہ عدم وقوف؛ (۳) فندق تجارتنہ حمایہ ایدہ جک قرہ دی منابعتک دارلنی؛ بو سبیلری ازالہ ایچون علاقہ دار مستحصل و تجار ایله معاصر اقتصاد عامنک بیلکیرلری قارشولاشدیرمق، قورتاریخی بر شکل بولق لازمدر۔

دیگریازی سلسلہ سی ایدیدر۔ (یا قایان آتش) سرلوحہ سنی طاشیان اثر؛ ۱۰ اوزون بر حکایہ در۔ حکایہ نک قهرمانلرندن اولان بدیعہ نک خاطرہ دفترندن آلمس صحیفہ لر نہ قادر جانلی! کمال احمد بکک یاقیندن تعقیب ایتدیکمز بو کوزل حکایہ سندہ، بالخاصہ اسلوبک ولسانک سادہ کوزللیکی، موضوعک بدیی ایشلہ ییشی دفتہ شایاند۔ تفرقہ لر ختامہ ایرنجہ (یا قایان آتش) ک تمنی ایتدیکمز طبعی کورمک، ادبی عالمزده مرحالہ یکی بر حادثہ تولید ایدہ جکدر۔

ثروت فنرہ۔ — ثروت فنونک صوک نسخہ لردہ

(۱۲۸ - ۱۳۰) جناب بک، شعر مزک وزنہ عائد مسألہ یی تدقیق ایدیور۔ محرر ایکی کنجدن بر مکتوب آلمشدر۔ کندینہ سورویورلر: «...» جہ وزنی دہ نظم لسانک بر قاعدہ سیدر۔ فقط عروضک آهنگنی جہ دہ بولایلمہ مزہ وعروضلہ افادہ ایتدیکمز هر فکری، عرموضوعی عینی قوتلہ جہ یہ نقل ایدہ۔ بیلہ مزہ شیمدیلک امکان واری؟ «مقالہ صاحبی بو سؤلہ جواب ویرمک ایچون نظم = نثر + موسیقی معادلہ سنی اثباتہ چالیشمقدہ، آهنگک فلسفہ سنی یاقعدہ، عروض و جہ وزنلرینک مختلف ملتدہ کی استعمال طرزندن بحث ایلکده در۔ عروض، آهنگ ایچون جوق مساعددر۔ مع مافیہ: «نم، سوبیورم، دیئمہ مساعد اولمایان بر آهنگ تولجوسی شعر وعشق قدسیتی نامنہ مردود اولما ایدر» دین یحیی کمال حقیر دکلد۔ بو کونکی ادبی وضعیتہ ایکی وزنز وار۔ اوکزدہ ایکی استقامت کورویورز: (۱) عروضی تعدیل و اصلاح ایدہ رک لسانزہ تمامیلہ انطباق قبول ایدہ جک بر حالہ افراغ ایدہ جکز۔ (۲) متحرک رک ساکنلرک و محدودلرک حقوق لحیہ لرینہ رعایت ایدہ رک بعضی قیود وضی ایله جہ وزنی تأمین آهنگک مساعد قبلہ جغز۔ جناب بک کورہ، جہ وزنیلہ شعر یازان بو کونکی کنج شاعرلرک موقبتیتی، عروضہ وقوفلرندہ آرامالی یز۔ ایشته محررک ایکی کنجہ ویردیکی اوزون جوابک خلاصہ سی...

وزن مسألہ سی، انکشافی آراشدیریلان آنادولو ادبیاتنک اک مهم مسألہ سیدر۔ ادبی ظفر مزک شکلی و جرجیوہ سنی دوشونمک مجبوریندہ اولدینمزی اونونمایم۔ علی اکرم، حامد، جناب... کی بر قاج شخصیتی اطرافندہ طوبلایان ثروت فنونک بو مباحثہ لردہ اهمیتلہ دوام ایتسی شایان نمیدر۔

مدیر مسئول: محمد امین
استانبول — دولت مطبعہ سی